

外
二

少
律
手
錄

武
林
趙
學
敏
事
雅
外
編
雜

串雅外編卷二

錢塘趙學敏恕軒纂

藥外

針法

猢猻勞 小兒有此症求食不止終夜不睡用針刺

兩手面中三指中節能曲處周歲者用中號針六
七歲用大號針刺進半分許遇骨微位即拔出不
可誤針筋上若疳甚無水刺數日方有白水不甚
者即有白漿刺數日隨有血一指有刺血指有不

刺二指有血停此二指不刺若六指俱有血病痊
不復刺矣凡針須隔一日俟天晴雨則無益刺後
即得睡減貪饒最忌寒栗乾甜果物則復發若初
刺有血非此疾矣

批悶疹子

分開頂門內有紅筋紅瘰批破即止

喉痺

覓紅上紅疙瘡用針批破即愈

百發神針 治偏正頭風漏肩鶴膝寒濕氣半身不

遂手足癱瘓痞塊腰疼小腸疝氣瘰癧疔發背對口
疾核初起不破爛俱可用按穴針也

乳香 沒藥 生川附子 血竭 川烏 牝烏

檀香末 降香末 大貝母 麝香各三錢 母丁

香四十只 淨蘄艾綿一兩或二兩 作針

消癰神火針

蜈蚣一條 木鼈 五靈脂 雄黃 乳香 沒藥

阿魏 三棱 蓬朮 甘朴 皮硝各一錢 開楊花

硫黃 山甲 牙皂各二錢 麝香三錢 甘遂五分 艾絨

二
兩作針

陰症散毒針

乳香

沒藥

羌活

獨活

川烏

艸烏

白

芷

細辛

牙皂

各五

硫黃

山甲

大貝母

五靈脂

肉桂

雄黃

各一錢

蟾酥

二

麝香

三艾絨

一兩
五錢作針

藥外

灸法

醫小兒

小兒目視不轉睛指甲黑叫作鴉聲是死

形無可治惟用此灸也十灸十生將左右兩手

灣處各灸一穴左右二足指將第二腳指縫頭處

亦必各灸一穴將痰瀉出即回生奇妙不可言

雞爪風

婦人月家得此不時發手足指拘攣拳束

如雞爪頗疼痛急于左右膝骨蓋下兩傍各有一

小窩共四穴

俗謂鬼眼

各灸三壯立愈

軋霍亂死

心頭微熱者以鹽填臍內用艾灸不計數以醒為

度

附子灸

癰疽久漏瘡口冷膿水不絕內無惡肉

大附子水浸透切大片厚三分安瘡口艾隔灸數

日一灸至六七次服內托藥自然長滿為末作餅

用亦可

黃蠟灸

治癰疽等毒

白麵水和成塊照毒根盤火小作圈厚一指高寸

餘粘肉上外以絹綿護帛加濕布圍住將黃蠟搗
薄片入麵圈內以運斗火熨偏蠟化即痛則毒淺
若不覺至蠟滾沸逐漸加蠟俟不可忍沃冷水候
凝取去瘡忽痛者毒甚灸未到也不妨再灸輕一
二次重三四次忌房事氣怒發物

灸癰

日中時灸病處影上三炷灸之咒曰癰中虫毛戎
戎若欲治在日中
又法八月八日出時令病人正向東面戶內長跪

平舉二手持咒兩邊取肩頭小垂際骨解宛宛中
灸之兩大俱下各三壯若七壯十壯愈

灸耳聾

濕土瓜根削半寸入耳內以艾灸七壯每旬一灸

乃愈

疝氣偏墜

淨州一條量患人口二角為一則摺斷如此三則
摺成二角如△字樣以一角安臍中心兩角安臍
下兩傍尖盡處是穴如患在左灸右在右灸左兩

邊俱患兩穴皆灸艾炷如麥粒大灸十四壯或二
十一壯即安又灸二足三陰交穴尤效

灸癰疽

男左女右以篾一根前齊中指端後至手腕橫紋
凹處截斷為準却以竹一根兩頭刮起令病人騎
之兩足不着地挺身正坐將前篾植於竹上以正
頭植骨脊中盡處各開一寸名騎竹馬灸七壯
灸畢宜用乳香真菜豆粉為末水調服之以防火
氣入心

胡桃灸 破傷風及瘋犬傷神效

胡桃壳半个填稠人糞滿仍用槐白皮襯和傷處以艾灸之遍身臭汗出其人大困即愈遠年者將傷處如前灸之亦愈

雞子灸 凡毒初起紅腫無頭

雞子煮熟對劈去黃用半个合毒上以艾灸三壯即散若紅腫根盤大似鴨蛋如法灸可也

苦瓠灸 治懸癰

擇神人不在日空心用井花水調百藥煎末一椀

服之微利後却用秋葫蘆一名苦不老生在架上
而苦者切片置瘡上灸二壯蕭端式病此連年一
灸而愈

桑木灸

治癰疽發背不起癰或瘰癧肉不腐潰及陰

瘡癰癧流注癰瘡頑瘡惡瘡久不愈均用此灸之
未潰即拔毒止痛已潰則補接陽氣亦取其通關
節去風寒火性暢達出鬱毒之意乾桑木劈成細
片紮作小把撚火吹息灸患處每次灸片時以瘡
肉腐動為度內服補托藥誠良方也

碗灸 治乳腫

碗一個用灯艸四根十字排碗內頭各露寸許再用紙条一寸五分潤用水濕了蓋碗內灯艸下紙與碗口齊將碗覆患處留灯艸頭在外艾一大圓放碗底火灸之盡再添至碗內流水氣內痛覺止方住甚者次日再灸一次必消

灸目

正月十六日用川椒末一二分入頭垢和為蚕豆大四之以窩置以眼角別揉熟艾米粒大內凹處

每眼角灸七壯或九壯如此如清明日照前復灸
之連灸三年則目如精采至老不昏

麻葉灸

治瘰癧瘡

七月七日采麻花五月五日采麻葉搗作炷圓灸
瘡上百壯次燒胡桃松脂研敷即愈

藥外

熏法

鵝掌風

真蘄艾四五兩將水三四碗煮五六分入大口瓶
內用麻布二層紮住口將手心放瓶口重之如水
冷再薰如神

蜈蚣咬

杉木皮或枝燒烟熏立刻止痛比蛛蜈尤妙

牛皮癬

水銀半一錢芸香半一錢大棗七枚搗爛為四丸每夜

重一丸即愈

口眼歪斜

巴豆二枚麝香三分共研將熱水一杯藥藏杯底放手

心右斜放左手心左斜放右手心

久病截瘧

老姜二斤搗爛置于滾水一大桶內坐布帳中脫

衣坐卧桶上熏透即愈第一禁風

痘不脫靨